

陽明全書

甲子十月
根源

(314)

陽明全書

第四冊上

陽明全書卷之四

外集 賦

太白樓賦 丙辰

歲丙辰之孟冬兮，泛扁舟予南征。凌濟川之驚濤兮，覽層嶂乎任城。曰太白之故居兮，儼高風之猶在。蔡侯導余以從陟兮，將放觀乎四海。木蕭蕭而亂下兮，江浩浩而無窮。鯨敖敖而湧海兮，鵬翼翼而承風。月生輝於采石兮，日留景於嶽臺。蔽長煙乎天姥兮，渺匡廬之雲松。慨昔人之安在兮，吾將上下求索而不可索。予雖非白之儔兮，遇季真之知我。羗後人之視今兮，又烏知其不果。吁嗟太白公奚爲其居此兮，余奚爲其復來。倚宮雘以流盼兮，固千載之一哀。昔夏桀之顛覆兮，尹退乎莘之野。成湯之立賢兮，迺登庸而伐夏。謂鼎俎其要說兮，維黨人之擠誅。曾聖哲之匡時兮，夫焉前

枉而直後。當天寶之末代兮，淫好色以信讒。惡來妹喜其猖獗兮，衆皆狐媚以貪婪。判獨毅而不顧兮，爰命夫以僕妾之役。甯直死以頤頤兮，夫焉患得而局促。開元之紹基兮，亦遑遑其求理。生逢時以就列兮，固雲臺麟閣而容與。夫何漂泊于天之涯兮，登斯樓乎延伫。信流俗之嫉妬兮，自前世而固然。懷夫子之故都兮，沛余涕之潏潏。廟堂之偃蹇兮，或非情之所好。惟不合於斯世兮，恣沈酣而遠眺。進吾不遇於武丁兮，退吾將顏氏之箪瓢。奚黜黜其昏迷兮，亦夫子之所逃。管仲之輔糾兮，孔聖與其改行。佐隣而失節兮，始以見道之未明。覩夜郎之有作兮，橫逸氣以徘徊。亦初心之無他兮，故雖悔而弗摧。吁嗟其誰無過兮，抗直氣之爲難。輕萬乘於褐夫兮，固孟軻之所嘆。曠絕代而相感兮，望天宇之漫漫。去夫子其千祀兮，世益隘以周容。媒婦妾以馳驚兮，又從而爲之吮癰。賢者化而改度兮，競規曲以爲同。卒曰：

嶧山青兮河流瀉，風颺颺兮濟平野。憑高樓兮不見舟楫紛兮樓之下，舟之人兮儼服亦有庶幾夫子之蹤者！

九華山賦 壬戌

循長江而南下，指青陽以幽討；啓鴻濛之神秀，發九華之天巧。非效靈於坤軸，孰構奇於玄造？涉五溪而徑入，宿無相之窈窕。訪王生於邃谷，掬金沙之清漈。凌風雨乎半霄，登望江而遠眺。步千仞之蒼壁，俯龍池於深窅。弔謫仙之遺跡，躋化城之縹緲。欽鉢孟之朝露，見蓮花之孤標。扣雲門而望天柱，列仙舞於晴昊。儼雙椒之闔門，真人駕陽雲而獨蹕。翠蓋平臨乎石照，綺霞掩映乎天姥。二神升於翠微，九子鄰於積稻。炎熇起於玉甌，爛石碑之文藻。回澄秋於枕月，建少微之星旄。覆甌承滴翠之餘瀝，展旗立雲外之旌纛。下安禪而步逍遙，覽曄杲於松杪。踰西洪而憩黃石，懸百丈之瀕瀕。瀨流觴而縈紆，遺石船於澗道。呼白鶴於雲峯，釣嘉魚於龍沼。倚透碧之雕甍，謝塵寰之紛擾。攀齊雲之巉削，鑑琉璃之浩淼。沿東陽而西歷，殫九節之蒲草。樵人導余以冥探，排碧雲之瑤島。率藉巖其繆謫，失陰陽之昏曉。垂七布之沈沈，靈龜隱而復眇。履高僧而屢招賢，開白日之杲杲。試明茗於春陽，汲垂雲之淵湫。凌繡壁而據石屋，何文殊螺髻之蟠糾。梯拱辰而北盼，墮遺光於拾寶。縑裳

逝於黃鵠，休閑寂之幽悄。鳥呼春於叢篁，和雲韶之騶騶。喚起促余之晨興，落星河於蒼檣。護山暖其驚飛，惟遊人之太早。攬卉木之如濯，被晨暉而爭姣。靜錢聲之剝啄，幽人劇參巖於冥杳。碧雞藏於青林，鸛翻雲而失能。隱摠藥於樛蘿，挾提壺餅焦而翔繞。鳳凰承孟冠以相遺，飲沆瀣之仙醪。羞竹實以嬉翔，集梧枝之嫋嫋。嵐欲雨而霏霏，鳴濕濕於豐葆。躍三遊而轉青，峭拂天香於茫渺。席泓潭以潏縵，浮桃瀉而揚綽。淙淙淅淅而落蔭，飲猿狖之捷狡。晚斧柯而昇大還，望會仙於雲表。憫子京之故宅，款知微之碧桃。倏金光之閃映，眈累景於宮坳。弄玄珠於赤水，舞千尺之潛蛟。並花塘而峻極，散香林之迴颺。樨浮屠之突兀，泛五釵之翠濤。襲珍芳於絕巘，鼻金步之瑤。沙羅躑躅芬敷而燦燦，幢玉女之妖嬌。舉龍鬚於靈寶，墮鉢囊之飄飄。開仙掌於嶽嵌，散青馨之迢迢。披白雲而踞崇壽，見參錯之僧寮。日既夕而山冥，掛星辰於絳熒。宿南臺之明月，虎夜嘯而體皞。鹿麋羣遊於左右，若將侶幽人之岑寥。迥高寒其無寐，聞冰壑之洞簫。溪女厲踰瀧而曝衣，雜精苓之春苗。邀予觴以玉液，飯玉粒之瓊瑤。謚辭予而遠去，颯霞裾之飄飄。復中峯而悵望，或仙蹤之可招。迺下見陽陵之蜿蜒，忽有感於子明之宿要。逝予將遺世而獨立，採石芝於層霄。雖長處於窮僻，迺永離乎塵囂。彼

蒼黎之緝緝，固吾生之同胞。苟顛連之能濟，吾豈靳於一毛！矧狂胡之越獷，王師局而奔勞。吾甯不欲請長纓於闕下，快平生之鬱陶。願力微而任重，懼覆敗於或遭。又出位以圖遠，將無謂於鵲鶴。嗟有生之迫隘，等滅沒於風泡。亦富貴其奚爲，猶榮葬之一朝。曠百世而與感，蔽雄傑於蓬蒿。吾誠不能同草木而腐朽，又何避乎羣隳之嘔嘔！已矣乎！吾其鞭風霆而騎日月，被九霞之翠袍。搏鵬翼於北溟，釣三山之巨鯨。道崑崙而息駕，聽王母之雲璈。呼浮丘於子晉，招句曲之三茅。長遨遊於碧落，共太虛而逍遙。辭曰：

蓬壺之藐藐兮，列仙之所逃兮。九華之矯矯兮，吾將於此巢兮。匪塵心之足攪兮，念鞠育之劬勞兮。苟初心之可紹兮，永矢弗撓兮。

弓屈平賦 丙寅

正德丙寅，某以罪謫貴陽，取道沅湘，感屈原之事，爲文而弔之。其詞曰：

山巒慘兮江夜波，風颺颺兮木落森柯。汎中流兮焉泊，湛椒醕兮弔湘纍。雲冥冥兮月星蔽晦，

冰峻囓兮霞又下。橐之宮兮安在？悵無見兮愁予。高岸兮嶽嶠，紛糾錯兮樛枝。下深淵兮不憫，穴頑洞兮蛟螭。山岑兮無極，空谷兮飢飢兮迴寥寂。猿瞰瞰兮吟雨，熊羆羆兮虎交蹟。念橐之窮兮焉託？處四山無人兮駭狐鼠。魍魎遊兮羣跳嘯，瞰出入兮爲橐。姦宄嫉橐正直兮，反詆爲殃昵。比上官兮子蘭，爲臧幽叢薄兮時侶。懷故都兮增傷，望九疑兮參差。就重華兮陳辭，沮積雪兮礪道絕。洞庭渺邈兮天路迷，要彭咸兮江潭。召申屠兮使驂娥，鼓瑟兮馮夷舞。聊遨遊兮湘之浦，乘回波兮泊蘭渚。瞻故都兮獨延伫，君不還兮郢爲墟。心壹鬱兮欲誰語？郢爲墟兮兩嶂亦焚。讒鬼連戮兮快不酬，冤歷千載兮耿忠愍。君可復兮排帝閭，望遺跡兮潯陽。其罹囚兮其徯以狂，艱貞兮晦明懷。若人兮將予退藏，宗國淪兮摧膽肝。忠憤激兮中道難，勉低回兮不忍。溘自沈兮心所安，雄之諛兮讒啄。衆狂程兮謂衆揚已，爲魍爲魅兮爲讒媵妾。衆視若鼠兮佞類有泚，衆忽舉兮雲中龍。禱晦雨兮飄風橫，四海兮倏忽。騶玉虬兮上衝，降望兮大壑。山川蕭條兮泝寥廓，逝遠去兮無窮。懷故都兮鱗局，辭曰：

日西夕兮沅湘流，楚山嵯峨兮無冬秋。衆不見兮涕泗，世愈隘兮孰知我憂！

思歸軒賦

庚辰

陽明子之官于虔也，解之後，喬木蔚然，退食而望，若處深麓，而遊於其鄉之園也。構軒其下，而名之曰思歸焉。門人相謂曰：『歸乎！夫子之役役於兵革，而沒沒於微纒也，而靡寒暑焉，而靡昏朝焉，而髮蕭蕭焉，而色焦焦焉，雖其心之固翫焉，而不免於嘔嘔焉，嘔嘔焉，亦奚爲乎稿中竭外，而徒以勞勞焉爲乎哉！且長谷之迢迢也，窮林之寥寥也，而耕焉，而樵焉，亦焉往而弗宜矣！夫退身以全節，大知也；斂德以亨道，大時也；怡神養性以遊於造物，大熙也。又夫子之夙期也。而今日之歸，又奚以思爲乎哉！』則又相謂曰：『夫子之思歸也，其亦在陳之懷歟？吾黨之小子，其狂且簡，儂儂然若瞽之無與儕也。非吾夫子之歸，孰從而裁之乎！』則又相謂曰：『嗟乎！夫子而得其歸也，斯土之人爲失其歸矣乎？天下之大也，而皆若是焉，其誰與爲理乎？雖然，夫子而得其歸也，而後得於道，惟夫天下之不得於道也，故若是其貿貿。夫道得而志全，志全而化理，化理而人安，則夫斯人之徒，亦未始爲不得其歸也。而今日之歸，又奚疑乎？而奚以思爲乎！』陽明子聞之，憮然而歎曰：『吾思乎！』

吾思乎！吾親老矣，而暇以他爲乎？雖然之言也，其始也，吾私焉；其次也，吾資焉；又其次也，吾幾焉。』乃援琴而歌之，歌曰：『歸兮歸兮！又奚疑兮？吾行日非兮，吾親日衰兮，胡不然兮！日思子旋兮，後悔可遷兮。歸兮歸兮！二三子之言兮！』

咎言 丙寅

正德丙寅冬十一月，守仁以罪下錦衣獄，省愆內訟，時有所述，既出而錄之。

何玄夜之漫漫兮，悄予懷之獨結。嚴霜下而增寒兮，皦明月之在隙。風颯颯以憎木兮，鳥驚呼而未息。魂營營以慙恍兮，目眇眇其焉極。懷寒飈之中人兮，杳不知其所自。夜展轉而九起兮，沾予襟之如泗。胡定省之弗遑兮，豈茶甘之如薺。懷前哲之耿光兮，耻周容以爲比。何天高之冥冥兮，孰察予之衷。予匪戚於累囚兮，惜匪予之爲恫。沛洪波之浩浩兮，造雲阪之漾漾。稅予駕其安止兮，終予去此其焉從。孰嚶嚶之在頸兮，謂累足之何傷。熏目而弗顧兮，惟盲者以爲常。孔訓之服膺兮，惡許以爲直。辭婉嬖期巷遇兮，豈予言之未力。皇天之無私兮，鑒予情之靡他。寧保身之弗知兮，膺斧

鑽之謂何！蒙出位之爲愆兮，信愚忠而蹈愆。苟聖明之有裨兮，雖九死其焉恤。辭曰：

予年將中，歲日逾兮。深谷崆峒，逝息遊兮。飄然凌風，八極周兮。孰樂之同，不均憂兮。匪修名崇仁之求兮，出處時從，天命何憂兮。

外集 詩

守儉弟歸，日仁歌楚聲爲別，予亦和之。

庭有竹兮青青，上喬木兮烏嚶嚶。妹之來兮，弟與偕行。竹青青兮雨風，烏嚶嚶兮西東。弟之歸兮，兄誰與同？江雲闇兮暑雨，江波渺渺兮愁予。弟別兄兮須臾，兄思弟兮何處？景翳翳兮桑榆，念重闌兮離居。路修遠兮崎嶇，沮風波兮江湖。山有洞兮洞有雲，深林窅窅兮澗道曠。松落落兮葛纍纍，猿啾啾兮鶴怨羣。山之人兮不歸山，鬼晝嘯兮下上煙霏。風嫋嫋兮桂花落，草萋萋兮春日遲。葺子屋兮雲間，荒予圃兮溪之陽。驅虎豹兮無踐我菑，擾麋鹿兮無駭我場。解予綬兮鍾阜，委予佩兮江

涓往者不可追兮，歎鳳德之日衰。將沮溺其耦耕兮，孰接輿之避予。同予駕兮扶桑，鼓予柁兮滄浪。終攜汝兮空谷，採三秀兮徜徉。

祈雨辭

正德丙子南轅作

嗚呼！十日不雨兮，田且無禾；一月不雨兮，川且無波。一月不雨兮，民已爲疴。再月不雨兮，民將奈何！小民無罪兮，天無咎民；撫巡失職兮，罪在予臣。嗚呼盜賊兮，爲民大屯。天或罪此兮，赫威降嘖。民則何罪兮？玉石俱焚。嗚呼！民則何罪兮？天何遽怒！油然興雲兮，雨茲下土。彼罪曷逋兮，哀此窮苦。

歸越詩三十五首

弘治壬戌年，以刑部主事告病歸越，并楚遊作。

遊牛峯寺四首

牛峯今改名浮峯。

洞門春靄蔽深松，飛磴纒空轉石峯。猛虎踞崖如出柙，斷嶠蟠頂訝懸鐘。金城絳闕應無處，翠

壁丹書尙有踪；天下名區皆一到，此山殊不厭來重。

縈紆鳥道入雲松，下數湖南百二峯；巖犬吠人時出樹，山僧迎客自鳴鐘；凌巖陟險眞扶病，異日探奇是舊踪；欲扣靈關問丹訣，春風蘿薜隔重重。

偶尋春寺入層峯，曾到渾疑是夢中；飛鳥去邊懸棧道，馮夷宿處有幽宮；溪雲晚度千巖雨，海月涼飄萬里風；夜擁蒼厓臥丹洞，山中亦自有王公。

一臥禪房隔歲心，五峯煙月聽猿吟；飛湍映樹懸蒼玉，香粉吹香落細金；翠壁年多霜蘚合，石牀春盡雨花深；勝遊過眼俱陳迹，珍重新題滿竹林。

又四絕句

翠壁看無厭，山池坐益清；深林落輕葉，不道是秋聲。
怪石有千竈，老松多半枝；清風灑巖洞，是我再來時。

人間酷暑避不得，清風都在深山中；池邊一坐卽三日，忽見巖頭碧樹紅。

兩到淨峯與轉劇，醉眠三日不知還。眼前風景色色異，惟有人聲似世間。

姑蘇吳氏海天樓次鄺尹韻

晴窗吹寒春事濃，江樓三月尙殘冬。青山暗逐回廊轉，碧海真成捷徑通。風暖簷牙雙燕劇，雲深簾幙萬花重。倚闌天北疑回首，想像丹梯下六龍。

山中立秋日偶書

風吹蟬聲亂，林臥驚新秋。山池靜澄碧，暑氣亦已收。青峯出白雲，突兀成瓊樓。袒裼坐溪石，對之心悠悠。倏忽無定態，變化不可求。浩然發長嘯，忽起雙白鷗。

夜雨山翁家偶書

山空秋夜靜，月明松檜涼。沿溪步月色，溪影搖空蒼。山翁隔水語，酒熟呼我嘗。褰衣涉溪去，笑

引開竹房；
謙言值暮夜，盤殮百無將；
露華明橘柚，摘獻冰盤香；
洗盞對酬酢，浩歌入蒼茫；
醉拂巖石臥，言歸遂相忘。

尋春

十里湖光放小舟，
謾尋春事及西疇。
江鷗意到忽飛去，
野老情深只自留。
日暮草香含雨氣，
九峯晴色散溪流。
吾儕是處皆行樂，
何必蘭亭說舊遊。

西湖醉中謾書二首

十年塵海勞魂夢，
此日重來眼倍清。
好景恨無蘇老筆，
乞歸徒有賀公情。
白鳬飛處青林晚，
翠壁明邊返照晴。
爛醉湖雲宿湖寺，
不知山月墮江城。

掩映紅粧莫謾猜，
隔林知是藕花開。
共君醉臥不須到，
自有香風拂面來。

九華山下柯秀才家

蒼峯抱層嶂，翠瀑繞雙溪；下有幽人宅，蘿深客到迷。

夜宿無相寺

春宵臥無相，月照五溪花；掬水洗雙眼，披雲看九華；巖頭金佛國，樹杪謫仙家；彷彿聞笙鶴，青
天落絳霞。

題四老圍棋圖

世外煙霞亦許時，至今風致後人思；卻懷劉項當年事，不及山中一著棋。

無相寺三首

老僧巖下屋，繞屋皆松竹；朝聞春鳥啼，夜伴巖虎宿。
坐望九華碧，浮雲生曉寒；山靈應秘惜，不許俗人看。

靜夜聞林雨，山靈似欲留；只愁梯石滑，不得到峯頭。

化城寺六首

化城高住萬山深，樓閣憑空上界侵。天外清秋度明月，人間微雨結浮陰。鉢龍降處雲生座，巖虎歸時風滿林。最愛山僧能好事，夜堂燈火伴孤吟。

雲裏軒窗半上鉤，望中千里見江流。高林日出三更曉，幽谷風多六月秋。仙骨自憐何日化，塵緣翻覺此生浮。夜深忽起蓬萊興，飛上青天十二樓。

雲端鼓角落星斗，松頂袈裟散雨花。一百六峯開碧漢，八十四梯踏紫霞。山空仙骨葬金槨，春暖石芝抽玉芽。獨揮談麈拂煙霧，一笑天地真無涯。

化城天上寺，石磴入星躔。雲外開丹井，峯頭耕石田。月明猿聽偈，風靜鶴參禪。今日揩雙眼，幽懷二十年。

僧屋煙霏外，山深絕世譚。茶分龍井水，飯帶石田砂。香細雲嵐雜，窗高峯影遮。林棲無一事，終